



S. VIII. 33.



VIRO

Doctiss. Consultiss.

Dn. **JACOBO FROSTIO**

Aula Sedinensis Secretario

&

Virgini Lectissimæ

R E B E C C Æ,

Viri Nobilis, Consultiss. Am-

pliss. Dn. **ANTONII PETER-**

STORFII Dicasterij Sedinensis


Protonotarij Filix,

SPONSIS NOVELLIS

tadas conjugales

gratulantur

A M I C I.



STETINI, Typis Duberianis,

Anno M. DC. XII.






Pagina versa fuit, succedit in ordine pagus
Non sine fonte brevi, sed sine ponte levi.
Non pagus vagus est, petrinus, sanctus, a-
(mandus,

Fons suavis, frigus quem penetrare cupit.
Gratia nulla hyemi est, æstatem poscimus omnes
Ergon' frigoribus gratia grata manet?
Cedit hyems plumas visum, sed frigus adinstat,
Petrinum pagum possidet, occat, arat.
Auctor quid voluit, convivæ quærite læti,
Et me lætitiâ consolidate novâ.

Vna Valens Virtus Nobilitare Poteſt.



ALIVD.

Nunc latissimus annus est, amice
FROSTI; nunc Boreas silet: recessit,
Pulso frigore, tussis, & catarrhus.
Ridet nunc facies serena cœli;
Nunc æquor placidum est; coloratellus,
Picto instrata velut tapete, vernat.
Vênit Ch'loridos aureo nitentis
Curru dulcis Hygeia. gaudet omnia

Senus

Sexus; conditio omnis : omnis aetas.

Scintillant calidi faces Amoris,

Quem Lusus comitatur, & Choréa,

Et puros focus osculans Lepóres.

Sed ó gaudia, mi IACOBE, nunquám

Sunt mortalia, plena, iuta, firma.

Quám rerum vigor is repemè abibit!

Hoc Ver torrida mox fugabit Aestas;

Aestatem nebulosus insequetur

Autumnus : tremulo nivosam tandem

Gressu tristis Hiems redibit. orba

Stabunt frondibus arbores; carebit

Blandi floris honore terra : cælum

Atris nubibus obtegetur. ingens

Tormenti glacie micabit æquor,

Rauco murmure sæviretque Caurus.

Infelix erit, & miser, profectò,

Qui tunc aut vacuum premeus cubile

Cœlebs; aut vetula accubans maritus

Rugosa, tetrica, pigra, invenusta,

Et pro sanguine frigidis habenti

In venis muriam, fracesque nigras,

Tota nocte suos, modò hùc, modò illùc,

Volvet pertigil, & revolet artus.

Tu Frosti, & Themidos, novem & sororum,

Quas semper veneratus es, probando

Istud consilio malum cavebis.

Nàm ventura Hiemis timens rigorem,

Puellam roseamque, amabilemque,
Et, quod praeipuum est, piam, atque castam,
Assensu Ducis optimi, PHILIPPI
Cui latam tribuat DEVS senectam,
Hac verna tibi amoenitate jungis.
Nil non facies minas atrocis
Brumae, flabraque turbulenta Cauri:
Hec te frigidulum sinu tenebit,
Tuos eximia fidelitate
Ut pulchrè soveat pedes; ut armos.
Valete unanimi pares calore,
Ac tot vivite sospites per annos;
Quos flores habet Arbutus, sub umbra
(ujus jam latitio, meridioreque,
Praeponeus opibus Mida Galéne;
Galéne niveam, integram, decoram:
Sinceram, innocuam, piam Galéne.

Ludovicus Hollonius, Poelitianæ
Ecclesiæ Pastor.

ALIUD.



Vngitur ecce tibi per connubialia fata
(Ut caleas, placeas,) FROSTE, REBECCA
(calor.
Te calor internus coquit, & tua pectora tangit,
Angit amor, FROSTO sola REBECCA calor:
Vna REBECCA calens caleat sub pectore FROSTI,
FROST caleat, valeat corde REBECCA tibi:
Grata

Grata DE O sint vota novis quæ prompta sequuntur
 Sponsis, FROSTE tibi semina sacra sient;
 Et Pietas, Patientia, Pax, Prudentia crescat
 Corde choro, inq; thoro, floreat inq; foro.
 FVNDITO SPONSA preces, thalamum Concordia servet,
 Cura domum, CHRISTUS pectora pace beet;
 Sic vobis proles junctis, pax, panis abundet,
 Post DEV Sarce poli jubila longa dabit.
 Hoc precor ex animo, TRINVS mea vota secundet,
 Fœcundetq; cui talia pacta placent.
 Gott der Allmechtig wolt dieß Ehleutegeseignen
 Brodt/ Gsundheit/ gutt/ vnd hurtige Söhne geben.

FOCUS metricus Latino germanicus.

FROSTIVS en kâmit, Brudt vvarmum makite beddum,
 VVermite KOLDFROSTUM, vvarmum quoq; nemite in
 (armum,
 Spélite cum flaschis rundis, vos pipite mundis,
 Gripite cum beidis hendis, vermengite foëtos
 Levite cum freudis foetis, smuck spelite tick tack,
 Inn, vnd vht, Gott geff juvv Zuckermuendige puppen
 All gut, Hertzite, Leevite, spélite, levite in ævum.

*M. Adam Mœsler Scabin: Sedin.
 P. Cor: Casarius.*

ALIVD.


M Irabar nuper Sponse, usu cognite longo,
 Vsq; huc distuleris cur conjugalia festa;
 Nec cum torperet brumali frigore cœlum,
 Et maris unda gelu, celebrâris ritè parata.

A 3

Nam:

*Namq; ubi se insinuat penetrabile frigus in artus,
 Assolet omnis homo socialis querere lecti
 Commoda, ut alterius flammâ propiore caleseat.
 Tu contrâ solus cubuisti frigore sævo,
 Et mollis caruit lectus consorte jugali:
 Nunc ubi se solitis fervoribus exserit æstas,
 Nunquam rumpendo tibi jungis fœdere, lecti
 Consortem, tecum quæ vitæ transigat annos.
 Anglaciale gelu quoniam tibi nomina fecit,
 Æstate in media tibi frigida membra super sunt?
 Hac seu causa fiet, seu non, tibi gratulor istam
 Fœdere legitimo junctam: tua corda calore
 Interius foveat, membra exterioraq; adurat.
 Mutuus ardor a'at vos ambos, sancta fidesq;
 Pax tranquilla torum ambiat: unum velle duobus
 Vnum & nolle fiet: socia hæc conjunctio multos
 Progignat fructus, qui fructus vincula amoris
 Præstant & lecti sunt pignora grata jugalis.
 Interea parcant Parcarum numina vitæ,
 Equare ut liceat vivendo Nestoris annos.*

Brun Otto à Rammin.



ALIUD.



*Vna superstitio gentilis more vetusto
 unoni Argivæ, vincli quæ diva jugalis
 rætes habebatur, faceret cum sacra marita,
 el pecori cæso exemptum abijciebat ad aras.
 Nempe ita credebant, ut victima felle careret,*

Sic

Sic fore, ne thalamos Eris infestaret acerba.
 Felicem lectum, vacuum quem bile feroce
 Candida circumdat pax & concordia munit!
 Sit, Sponsi, vester talis torus: exulet inde
 Lis & rixa omnis, succedat paxq; fidesq;
 Mutua, & oppletum non ficto pectus amore.
 Sic sobolem multam cernetis, pignora lecti,
 Gnatorum gnatos & qui nascentur ab illis.
 Hæc precor: æternum Numen mea vota secundet!

Philippus Ernestus à Rammin.

ALIVD.



*Valem, me mentis nisi fallit opinio, dudum
 optavi sociam, fautor amice, tibi:
 Nunc quæq; devoveo: versu & gratarer eandem
 sublimi, qualem noster anhelat amor:
 Nî me præpediens operas orâsses easdem
 Musarum & Phœbi corculum & unus amor,*

*FABRICIDES, ille alter ego dum cœlibis annos
 pertusus vita, sacra marito parat.*

*Otia ademia, tibi me purgent, quæ fero pauca
 sint grata, Hanc verbis, vota probanda animo.*

*Bis trinis alacrem & vegetam quam Teutona pubes
 pingui litterulis, Sponsa virago fiet.*

*Sit pietatis amans, Probitatis laude nitescat,
 quæ ferat amplexûs comita virago viri.*

*Omnia vana, nihil. Pietas gratissima cœlo
 & probitas celebri laude vehenda so'o.*

Omnia

Omnia habet probitas pia. Sors si fulminet ore
 irato, firmo statq; manetq; loco:
 Qualis, arenoso non pulvere, rupe sed asprâ
 structa domus fratres non timet Æolios,
 Stans, vastos moveat si fluctus Rector aquar,
 fixa nec è solidâ sede remota cadens.
 Non sine dote fiet, verum auri pondere dives
 qua ferat amplexus grata Virago viri.
 Dudum hoc rixarum cum Pluto cepit Amori,
 omnia uter superet? Plutus, an ales amor?
 Ingeniosus Amor, si non comes irerit ipsi
 Plutus, perraro victor ab hoste redit.
 Crescit amor juvenum, quantum ipsa pecunia crescit;
 Et genus Et formam copia donat opum.
 Fœtida ne sit anus, sed vernis nubilis annis,
 qua ferat amplexus bella Virago viri.
 Nulla salus vetulis, Iuvenes vos poscimus omnes:
 quis sterilem presso vomere sulcet agrum?
 Non anus apta toro, dentes qua lurida, frontem
 rugosa, oclorumq; imbre rigata genas.
 Quis ferat, angustum cui pectus quassat anhelâ
 rassis Et obtundit dira gravedo caput?
 Quis ferat assiduum murmur tristesq; querelas,
 quas voce invisâ rancida fundit anus?
 Gaudia poscit amor genialis: gaudia, lusus
 festivosq; jocos ver juvenile parit.
 Corporis emineat dio vultusq; decore,
 oscula qua libet blanda virago viri.

Forma

Forma bonum, quo non aliud velocius ullum
improbuli impellit currere amoris iter.
Forma hominesq; Deosq; movet: nisi lubrica vatū
scripta, ipsum illexit forma Venusta forēm.
Aureus hinc imber Danaën, simulataq; tauri
Europen, Leden forma fefellit avis.
Turpia quin pulcra non sunt habitacula mentis:
Pulcra placent pulcris, turpia turpis amat.
Inde pudicitia casta splendore coruscet,
oscula qua libet pura Virago viri.
Non oculis tantum ducenda, sed auribus uxor
sati dotata venit, qua sine labe venit.
Ingenium Et mores si casta modestia format,
arctius adstringit pectora mollis amor.
Casta placent superis: non unquam hymenēia, castus
qua largitur Eros, gaudia turbat Eris.
Præmia concubitu famula dum digna reperiunt
suspensa, Icarida lausq; decusq; manet.
Tandem huic sint recti privata negotia cura
oscula qua libet promta virago viri.
Ocia qua vita sectatur desidis, extra
qua proprii recti limina crebra meat:
Non lato thalamo: tumulo dignanda: vel ultra
pellenda Oceanum Sauromatasq; feros.
Qua cochlea instar amat ades, operasq; Minerva
delectumq; sibi gnauiter urget opus:
Cumq; tori socio quavis ratione laborat
sedula opes opibus amplificare novis:

B

Hanc

Hanc procus ambitum quivis eat : omne Smaragdi
Hac precium precij vincit honore sui.
Quae probitate pia, galis, & flore juventa,
& roseo vultu & laude pudicitia,
Praestet, quamq; domus insomnis cura fatiget,
hac petat amplexus, Sponse, virago tuos.
Quin petit atq; rapti jam PETERSTORIA amanda
proles, virginei stella corusca chori.
Non libet ire tuas in laudes blandula Nympha.
Quid fiet in sylvas cur ego ligna feram?
Nec nitor atq; decor vultum mentemq; figurans
scire, praconis frigidioris eger.
Abramida qualis nupsit generosa Rebecca,
matronalis honor dia Rebecca gregis:
Talis Sponse tua hac virtutibus aucta Rebecca
integris, xantho effigiata manu.
Hac gaude Sponsa mox-conjuge, alacriter aude
oscula per longas jungere pressa moras.
Delicias lecti Alectone infeset acerla;
gratis pignoribus pronuba Juno beet.
Pignora lecti alacrem Sponsum Sponsamq; frequenter
restentur. Votis fata secunda sient.


fundeb. anlogediasi in Acad.
Philyrea

M. Philippus Horstius
Brunsviga-Saxo.

ALL

Dn. JACOBO FROSTIO.

I.



Ittera remigijs nuper felicibus usa,
Me vocat ad tadas, culte IACOB E tuas.
Mens animi tacito voto sitienter anhelat
Volvere conspectum per loca nota meum
Capto Patrem Patriæ venerâter adire PHILIPPVM,
Corporis est cujus jam renovata salus.

Perplacet VLRICO dextram præbere Dynastæ
Qui meus est, vitam dum mihi CHRISTVS alit.
Ardeo CRAMERI suaves haurire loquelas,
Qui mihi non pater est, sed mihi penè Deus.
MARSTALLERORUM mihi mens stat cernere Trigam,
VVINTHERI doctas & tetigisse manus.
Quin & STECHERVS, cui servit cantor Apollo,
Optat præsentem me semel esse sibi
At non cura sinit, strictim quam postulat aula,
Vltra me cupidum limina ferre pedes.
Vt tamen exornem tua conjugalia festa,
Quem tibi collegit Musula, flore meo;
Has cape lineolas, ars quas pictoris egenas
Præterijt, nec quas læve polivit ebur.
Absens auxilium precibus cœleste vocabo,
Luceat ut thalami fax tibi clara; Vale.

II.

Mortalium solertia Fœminam,
Pandera possit quæ vocitarier
Delapsa cœlo, quo sub ævo
Præterito, quibus aut sub annis
Invenit, aut post inveniet? DEO
Ab optimo est quærenda precatibus
Hæc sola, quo præsentem, quodquod
Consilium valet expeditum.

B. 2

Et

Et qui tenaci mystica pectore
 Præcepta custodit, neq; deserit
 Virtutis ædem, dante CHRISTO.
 Ille pia potitur maritâ,
 Læteris ergò, cui DEUS omnium
 Dator bonorum dives, amabilem
 Offert Rebeccam, castitatis
 Et pietatis amore claram.
 Hanc non profecto tu stolidi vagis
 Mutare gaudes divitijs Midæ.
 Opes quidem spondent parentes;
 Vxor amica DEI sed est dâ.
 Hanc scilicet plaudentibus omnibus,
 Hanc scilicet gaudentibus omnibus,
 Amoris instigatus igne,
 Expetis esse tibi maritam.
 Cernis genarum purpuret ut decus
 IACOBE FROSTI? vibrat ocellulos
 Quàm blanditer? num te celebras
 Rosidulasq; manus pedesq;
 Comtas puellas atq; venustulas
 Gens litteris jurata sacerrimis
 Ambire discat; cerdo turpes
 Bryllidas expetat osculari.
 Sed & triumphet cordis ab intimo
 REBECCA dulcis, blanditer auferens
 Eum virum, cujus probatur
 Provida sedulitas in aulâ.
 Apollo purgavit latio tibi
 Aures acco; carminis artifex
 Et cultus audis; quod flagellant
 Burrus iners, socij; Burri
 Cesso. Ligati vivite conjuges
 Feliciter; vos nulla periculâ

Tur.

Urnâ
Vobi

D

Dices
 I Per
 Illic i
 Imò i
 Cond
 Huj
 Sola,
 Isacio
 Huj
 Virg

Turbent thori ; longè faceſſat
Mater Eris ſtygiæ paludiſ.
Urnâ ſat amplâ ſuppeditet DE U S
Vobis, thorus quæ mutuus exigit :
Connubij fructus feraces
Gignite & unanimes quotannis.

Ludovigſpurgo

*Johannes Gundermannus Hilper-
busanus, Francus.*

Anno I. C.

DeVs ConlVngit aMantes.

ALIUD.

E Lamma ſacra eſt Veneri, penitum qua pectus
(amantium
Uſulat, Aetnaïs ceu pingue bitumen in antris.
Tunc, Jacobe, etiam flammas accedere ad iſtas
Concupis, ut caleas à ſtriſti frigoris aurâ,
Diceris affectus teneris quâ primis annis ?
I Perri pagum, Diva propè ſana Maria,
Illic invenies Veneris ſacraria, & ignem,
Imò ipſam invenies Venerem, ſacrumq; Rebecca
Conditum in hac Genium, pectusq; Jacobe, neceſſe eſt
Hujus ut accedas ignem, ſatis inde caleſces.
Sola, REBECCA VENVS formâ eſt, ſed nomine, regâ
Iſacio ſimilis Rebecca ſemmate nata.
Hujus Tu flammis feliciter urere ; quis non
Virginis ingenuæ caſtis velit ignibus uri?

Vrere, & his flammis, Jacobe, senesce, calesce,
Vi nunquam socios frigus prius intret amores,
Quam ferat extremam Vobis mors frigida pausam.

Petrus Neomarcus. P. L.

ALIVD.

Elusio jocosa proverbij, quod legitur apud
Ovidium V. Fastorum:

Mense malum Majo nubere, vulgus ait.



Ense malum Majo, Romanum, nubere, vulgus

Dixit; & assensum vox tulit illa suum.

Mense bonum Majo contra reor esse futurum

Nubere, si Pius hoc tempore coeptet opus.

Omnibus in terris vulgus maledicere cunctis

Audeat, & soleat Zoylus esse tibi:

Diffugere nives tamen altis mentibus albæ

Mense hoc; & zephyrus mitis ab axe redit:

Mense hoc floriferum Ver frigora prima fugavit,

Et glacies fluxit victa calore procul:

Majo mense bonum, quo cuncta virente moventur,

Nubere, cum niteat planta colore novo:

Mense hoc erumpunt viridi de cortice gemmæ,

Et violis redolent mortua rura novis:

Floribus ornatae crines per prata Napææ

Saltant, his choreæ dat Philomela melos:

Carmina muscosis volucres lasciva sub antris

Cantant, voce omnis sylva remugit avis:

Aurea nunc volucer jaculatur tela Cupido,

Et juvenum Veneris pectora flamma fovet.

Hoc ecquis nolle submittere tempore colla

Conjugiæ & Sponsæ ferre suave jugum?

Ver

Ver ubi jam vernis ornatit floribus arva,
Mense malum Majo nubere, vulgus ait!
Scilicet id curæ populo, num mense Novembri,
Aut Majo, aut Jano nubere quisq; velit.
Si DEVS elegit Sponsam cui nubere possis
Sponse, dies vulgi nil metuenda tibi.

*Et Jano, & Majo, Augusto, Octobriue, Novembri
Nubere ego vellem, si modo Sponsa foret.*

Consilio & jussu fiunt connubia Iovæ,
Temporis is primus finis & autor erit.
Immemor es vulgi contra carissime Frosti,
Nec Maij mensis tempora Sponse times.
Mense etenim Majo tibi jungitur ecce Rebecca,
Aptum num tempus coniicis esse thoro?
Dij faciant ut sint temeraria cuncta; secundo
Conjugio utaris lætus ovansq; precor.
Seu Ver sit, vitream glaciem seu flumina trudent,
Te foveat *gelidum* cara Rebecca *foco*:
Sive sit Autumnus, sive Æstas, tute Rebeccæ
Temperies dulcis sisq; *Refrigerium*.

Dno. Sponso amico iudebas

Christophorus Stecherus.

A L I U D.

Ngenij, cū sit, FROSTI, tibi virvida flamma,
Dextraque qua calamo est solerti haud frigida;
(Sparta
Cum laude expediens non parvâ munia celsa:
Cur geris â rigido deductum frigore Nomen?
Antiphrasi nimirum istud factam esse putandum;

Bella

Bella velut, duri dicunt certamina Martis,
 Lanifica ut Diva, Parca vocitantur; in orbe;
 Parcere cum nequeant hominum tamen ullibi vasto!
 Sed decepta tuo est Cypris quoque Nomine Diva,
 Frigida fortè putans tibi Nomen membra dedisse;
 Unde tibi lepidam voluit sociare juvenclam,
 Qua tua blandidulo refoveret membra calore.
 Non error tamen ille nocet, quin utilis amplè est,
 Atque ideo Diva merito donandus amica.
 O te felicem nimium, nimiumq; beatum,
 Quando IACOBE, viges Calamo, Ingenioq; Toroq;
 Gratulor ergo tibi (quamvis ignotus), & opto;
 Ut concessa tibi divino munere dona
 Gloriam in altisoni, Regis vergere deinceps
 Usquè queant, pariterq; tuam, SPONSÆq; salutem.
 Sit rigor, atq; gelu procul inclementia tristis
 Vestris à Laribus; Solis jubar auricomantis
 Irradiet vestras tadas, vestrosq; penates.

Benevoli affectus ergò f.

M. Florianus Chenoboscus P. L.

Francus Germanus.

ALIVD.



Vixit Melissus Teutoniarum jubar
 Phœbusq; clarus per Clarios tholos,
 Denatus è tumba resurgit
 Artis Apollineæ brabeis.

Vixere plures, Cæsares aurea
 Quævis Dextra, dexteras non modò munere
 Gangis, inonilis Jaspidisq;
 Eximie decoravit; inter

He

Heroas ultrâ, juxta equitum modos,
 Sacri Palati Gratia, quam comes
 Cernit, peræq; indulta, textas
 Phœbigentium meritis corollas.
 Ne sit sepulcris Hectoreus labor,
 Virtusq; mortis spicula sentiat,
 Est dignitas concessa, vates
 Iure creare, ciere doctos.
 Hi primulum altos concelebrent polos,
 Et Trisnegisti Munera coelici:
 Laudarier quæ non hominibus
 Sat poterunt vel in æviternum.
 Implet voluntas, deficiunt ubi
 Vires petiæ: Barbiton organis
 Impar; nec est par olla vilis
 Egregio figulo putanda.
 Est cura vati proxima tollere
 Partum trophæum bellæq; fortiter
 Pugnantium, cultis virosve
 Philosophos decorare metris.
 Alit celebres Pomeriæ inclutus
 Princeps PHILIPPVS schemate Daphnico
 Qui ornant sequentes Pindari hortos;
 Bacchilidis strepitum moventes.
 Pinnoviani sunt Spurij chorû
 Vatum, pares qui nobile jactitant
 Pinnovianum nomen: absint.
 Quod minuant solitos Honores.
 En sub cucullo vulgus in infimum
 Ebullientes parturiunt; vident
 Qui muscabinno dignus exit
 Testaq; suspicio patefcatur
 Vesana mens est concelebrarier
 Cupisse vano vaniloqui melo;

Est ad pudorem virtuosus
 Ac levitas tenuationis.
 Vincit Dolores Froftiadæ labos:
 Vincunt Honores quàm opus arduum:
 Sat constat, abfit buccinator
 Et colacis malè vox adulans.
 Datu Iovæ, ftemmate nobili
 Exorta virgo jungitur ad latus:
 Quæ prospere nomen perauget
 Nobilitatis avos recensens.
 Sentit parentis Pomeriæ, incola
 Cycli, labores invigiles: diu
 Quem fofpitet nobis, clienti
 Eximios refovens patronos.
 Haut nulla carpo Punica de rubo:
 Virtus nec impar progeniei Patris:
 Quà ftemma, quâ virtutis Ardor,
 Nobile quâ proavum Decusq;
 Si Sponfus ultrâ junxerit arduos
 Nilus Honorum, grata Famillijs
 Extabit ufq; ac ufq; Fama,
 Fama per Aonidas perennis.
 Hanc in caduca comprecor orbita;
 At in Polari gratulor ordine
 Sponfis beatis corde toto
 Impositam capiti coronam.

Cammini XIV. Maij, anno

Gratula Del noftri fit CVM plis fponfis.

applaudit felicitis ominis

ergò,

Martinus Smecheliuſ.

ALI-

ALIVD.



Irre te, FROSTI studijs excolite, fateri

Nomine, quod non es; velle negare, quodes.

Quod non es, non esse velis, quodes ipse fateri:

Est malè, quod non est, qui negat esse, quod est.

Miraris & dicam, cupio quæ verba rotunde

Haud vulpem condens pectore sub rapido.

Invasisse tuos frigus penetrabile in artus

Nomine confirmas: Res tamen ipsa negat.

Frigidus esse potest, cui fervet sanguis amore?

Scintillantq; oculi, frigidus esse potest?

Tecum habita, & nōris tua quam juvenilia flagrans.

Flammula comburat pectora, quamq; coquat.

Opias, significem tibi, quæ sit flamma, quis ignis?

Ecce ignis, flamma est, Nympha decora tua.

Est animo caldo, flammamq; hanc vindice flammâ

Compensa: Nam sic huic satis esse potes.

Huic satis esse potes, nec non sic nominis omen.

Fallere, quod fiat, nō precor ex animo.

*Honoris, amoris, & gratitudinis
ergo deproperabat*

Iohannes Marthæ Trepio. Pom. Rosochio

discessurus ad Lipsensem Academiam.

ALIVD.



Iverus, quem tot triverunt secula, versus;

Exeat ille Aulâ qui cupit esse pius:

Næ tibi nunc vitij, FROSTI, mens obsita fœdis,

Vitaq; probrosa labe notata foret,

Næ tibi Diva Cypris non casti nunc, sed amoris
Incesti flammâ pectus araret ovans.
Sed negat hæc tua mens, tua vita probata reclamatione,
Et quod corde pio, nunc meditaris opus.
Mens pietatis amans, sanctas decorata per artes,
Iuris & immensi fonte rigata sacro,
Hinc proba vita, Deores grata, & plurima recto
Munia cordatis præstata corde viris
Ut te majori, quam nunc cum laude ministras,
Rerum crediderint posse præesse rei.
Ergo quod esse jubet te mens, tua vitæq; id esto;
Nec cessa illustri servus inesse domo,
Perge pijs captis socij nunc addere amoris
Vincula, sic fies carior usq; DEO,
Nos vota interea volvemus poplite curvo
Devota ad MAGNI sidera magna DEI
Alme pater, socij lecti fundator, & omnis
Autor in amplivago hoc ordinis orbe boni:
Sis præsens, nymphumq; tuum dignare sacro
Flamine, quo munus, non sine laude gerat.
Necte duorum animos parili virtute, fideq;
Sint unum in Domino, sunt licet usq; duo.
Ingreditor thalamum, lectumq; attinge jugalem,
Et qua cuncta foves, fructificato manu.
Sicut & uva triplex propendet palmitibus ab una,
Sic à matre una pignora multa patri.
Adde etiam cornu varias è divite gazas,
Hinc foris atq; domi suppetat omne bonum.
Post ut ad extremam claudent sua lumina noctem,
Utrumq; in gremium suscipe Christe tuum.

Boni affectus & fausti ominis ergo

scribebat Rostochij

Casparus Daberman Pom.

AN-

ALIUD.

Ni bona forma fiet, Logici concedere nolunt,
 Quod quis ait. Sacri hac forma sit ergò thori.
 Sponsa minor, Major sponsus, Medius sit utriq;
 Verus amor, proles inde sequatur eos.
 Nec Ramaa potest, nec peripatetica formam
 Hanc schola conjugij carpere: Firma manet.

Ετοιμηθημερολογιον

Bis seX & IVnii Vt tres VIX sVnt antè CaLenDas
 OrtVs, laCobo DVCta RebeCCa Venit.

JOHANNES RAKEMANNVS

Tang. Palao - March

XX

ALIUD.

VOTVM NVPTIALE

IACOBUS FROSTIVS
 REBECCA PETERSTORPHIANA

ειναζεσται.

SI OBIS PERFER. CRESCAS. FORTVNA CEDAT OBVIA.

Est onus, estq; jugum, labor est, & sarcina vita
 Connubium, Quis enim (quanquã sit Maro, Nasove,
 Aut Cicero,) dignis verbis efferre valeret,
 Conjugibus ferat hæc quæ incommoda vita iugalis?
 Cum quis inire parat socialia fœdera, Dæmon
 Obstet, & iratus blasphemias spargere voccs.

Audet, ut hæc iterum nugis disrumpere possit.
 Postea quando videt quod fœdus inruit, & illam
 Quam duxit quod amet, crescit Cacadæmonis ira,

Ac ubicunq̃ue potest rabidas in cordibus iras
 Excitat atque nocet per flammās, ferra, vel ignes.
 Autve malis facit ut vicinis fraude petantur,
 Vexentur varijs odijs, tribulentur & irīs.
 Et quis cuncta potest in comoda fœderis hujus
 Effari? Satanæ potis est quis dicere technas?
 Ergo quis miseram non diceret inde jugalem
 Vitam? Qui facit hoc inimicus habetur & hostis
 Ipsius Iovæ, qui hæc fœdera primus in horto
 Edeno instituit. Natum quoq; virgo cœvum
 Desponsata viro peperit. Quid? Spiritus arrha,
 Quam sponsus Sponsæ quam Christus donat & offert
 Humano generi ceu sponsæ, Spiritus idem
 Astat, & expellit lites, atq; inflat amorem,
 Et dat eis pacem. dat quicquid vita requirit.
 Tota Trias Nymphas fœcundat, Crescite dicit
 Ergo quis hinc (referam ne cætera commoda) sacro
 Conjugio meliora, fuisse vel esse futura
 Dicet & ad Sanctum felixq; bonumq; negabit?
 Hæc quapropter OBIS Si fœdera SPONSE, REBECCAM
 Siq; tibi jungis, nihil hinc te absterreat, omne
 PERFER, & obdura constanti pectore; Namq;
 Non fera tempestas toto regnabit in anno,
 Sed lætus veniet post nubila Phœbus, (ut ajunt.)
 Exhilet mentem comitans benedictio: CRESCAS.
 Et videas natos fœcundi palmitis instar,
 Qui repleant ædes & cingant agmine mensam,
 Ex his per longâ videas quoq; stirpe nepotes.
 Quid? FORTUNA tibi fœcunda, secunda, beata,
 Prospera, perfelix, quo verteris OBVIA CEDAT.
 Hæc precor eveniant: Hoc claudio carmina voto:
 CRESCAS ac felix. FORTUNA tibi OBVIA CEDAT.

L. L.

Iohannes Dabelovius Neobrennopyr-
gensis Megaloburgicus.

ALIUD.

Dum, frater, vitâ atq; oculis mihi charior ipsis,
 Legitimi lecti debita jura subis.
 Multis gratarer verbis : sed curta supellex
 Non fert ; hac ergo consule pauca boni.
 Primus conjugij & socij DEUS auctor amoris,
 Sincero Sponsos jungat amore, fide.
 Aurea pax thalami socialia fœdera cingat:
 Asmodens cecat jurgia nulla malus.
 Circumdet mensam proles numerosior : aequens
 Sponsi Maribus a secula longa senis.

Martinus Frostius.

ALIVD.

FROSTIO meo ejusq; REBECCAË,
 sponſis jucundiſſimis.

Quæ nunc virgineo tibi SPONSA decore IACOBO,
 Nata PETERSTORFO Patre REBECCA, venit;
 Quid, genus, & formam, pietatem præter, & ipsam
 Præter virtutem, polliceatur: Habe.
 COR despondet amans; Redamans quo tute re-
 (pendas
 COR; Hocq; unito flagret utrumq; foco.
 Quam benè! Sit quamvis monosyllaba vocula: Multùm
 At perfecta tamen: Trina elementa notant.
 COR Protoplasten primum, faciente IEHOVA
 Carnem unam è duplici corpore, junxit HEVÆ.

COR

COR casto, ISAACO devinxit, amore REBECCAM,
 Ipsaq; JACOBUM deperit inde RACHEL.
 COR extrema, sui pro REGIS, fata, salute
 ADMETI, ALCESTEN fecit adire rogo.
 Pluribus haud opus est: COR cunctos nequit amantes!
 Hinc tibi & hinc sibi JACOBI-REBECCA venit,
 Tantum. Bina uno PIETATIS, PACIS, AMORIS
 TRINVNVS nexu pectora vestra liget:
 Vosq; duos, unos, JACOBE, REBECCA, secundet
 Excundet, servet, Numine, Prole, Fide!

M. Balib. Echer.

Eteostichon.

*Frost IV's eXCIplet VVLCant folLe RebeCCaM,
 TVtV's Hephestao: IoVa IVVabl opVs.*

P. Z.





921116 **Bibliotheca** 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VIII.33

